



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1143. Usque Ad Annum 1176

Fleury, Claude

August. Vind. [u.a.], 1762

VD18 90118014

§. 35. Legatio Manuelis Imperatoris ad Alexandrum Papam.

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Sæcul. XII.
A.C. 1166.

Alexander Papa quoque ne sibi ipse deesset, Romanos hortabatur, fidem servarent, & urbes vicinas ad saniora reducere conarentur. Sed nihil efficiebat apud populum, qui in utramque partem amicitiam simulans, utramque fallebat. Ceterum in belli subsidium multum auri Alexander ex Sicilia acceperat; nam Rege Guilielmo primo, cognomento *Malo*, Panormi, ubi Regiam fixerat, ultima die Aprilis hoc anno millesimo centesimo sexagesimo sexto fatis functo, postquam annis duodecim regnasset, filium suum duodennem, Guilielmum, cognomento *Bonum* dictum, Successorem reliquerat. Porro Pater decedens Papæ quadraginta millia Esterlingorum scripserat, & filius anno sequente totidem miserat. Esterlingus jam tunc temporis notissima erat Angliæ moneta.

Lup. i. ep.

140.

Cang. Gloss.
Esterling.

§. XXXV.

Legatio Manuelis Imperatoris ad Alexandrum Papam.

Act. ap. Bar. Sub idem tempus Manuel Comnenus Imperator Constantinopolitanus Jordanum, Roberti Principis Capuani filium, cui titulum *Sebasti* dederat, Romam misit. Is in conspectum Pontificis deductus, oblatis ad pedes ejus magnis muneribus, Imperatoris Manuelis auxilia adyer-

adversus Friderici Imperatoris injusta conamina promisit. Affirmabat etiam, Manuelem velle Ecclesiam Græcam cum Romana tam arcto fœdere jungere, ac olim in antiquis sæculis fuisset, ut ita deinceps Latini Græcique unus populus Christianus sub uno capite diceretur. Petebat vero, quoniam optata faveret occasio, sibi a Papa Coronam Imperii restitui, quæ sibi, non autem Friderico Germano, jure deberetur. Ne belli nervus deesset, pollicebatur tantam pecuniæ copiam, totque exercitus & numero & disciplina militari valentes, qui non Romæ modo, sed toti Italiæ S. Petro subjiciendæ sufficerent. Alexander, quamvis Græci tanta promissa exequi posse haud viderentur, suadentibus tamen Cardinalibus, Legatos ad Manuelem Imperatorem Episcopum Ostiensem, Cardinalem SS. Joannis, & Pauli cum Jordano Sebasto mittendos esse censuit.

Hic concordiam inter Manuelem Imperatorem & Alexandrum Papam durasse videmus; quin Græci jactabant, Imperatorem suum, ut Friderici conatibus obstitere, Alexandrum Papam Sedi Apostolicæ restituisse.

Sæcul. XII.
A.C. 1166.

vid. Allat.
conf. II. n. 3.
Cinnam. l. 5.
n. 1. p. 133.